



БҮЙРЫҚ

ПРИКАЗ

2014 жылдың 13 айдан № 60

Астана к.

г. Астана

«Жалпы білім беру ұйымдарының
(бастауыш, негізгі орта және жалпы
орта білім беру) түрлері бойынша
қызметтінің үлгілік қағидаларын
бекіту туралы» Қазақстан
Республикасы Білім және ғылым
министрінің 2013 жылғы 17
қыркүйектегі № 375 бұйрығына
өзгерістер енгізу туралы

БҰЙЫРАМЫН:

1. «Жалпы білім беру ұйымдарының (бастауыш, негізгі орта және жалпы
орта білім беру) түрлері бойынша қызметтінің үлгілік қағидаларын бекіту
туралы» Қазақстан Республикасы Білім және ғылым министрінің 2013 жылғы
17 қыркүйектегі № 375 бұйрығына (Нормативтік құқықтық актілерді
мемлекеттік тіркеу тізілімінде № 8827 болып тіркелген, 2014 жылғы
8 наурыздағы № 47 (28771) «Егемен Қазақстан» газетінде жарияланған)
мынадай өзгерістер енгізілсін:

корсетілген бұйрықтың 1 тармағының 6) тармақшасына орыс тілінде
өзгерістер енгізіледі, мемлекеттік тілдегі мәтін өзгермейді.

корсетілген бұйрықпен бекітілген Білім беру деңгейлері бойынша білім
беру ұйымдары қызметтінің үлгілік қағидаларында:

1-тармақ мынадай редакцияда жазылсын:

«1. Осы Білім беру деңгейлері бойынша білім беру ұйымдары қызметтінің
үлгілік қағидалары (бұдан әрі – Үлгілік қағидалар) «Білім туралы» 2007 жылғы
27 шілдедегі Қазақстан Республикасының Занына сәйкес әзірленді және
меншік нысандары мен ведомстволық бағыныстылығына қарамастан бастауыш,
негізгі орта және жалпы орта білімнің білім беру бағдарламаларын іске
асыратын жалпы білім беру ұйымдары (бұдан әрі – мектептер) қызметтінің
тәртібін айқындайды.»;

корсетілген бұйрықпен бекітілген Оқыту бейіні бойынша білім беру
ұйымдары қызметтінің үлгілік қағидаларында:

010178

28-тармақ мынадай редакцияда жазылсын:

«28. Гимназия мен лицей сыныптарында окушылар саны 25 адамнан аспауы қажет.

Қалалық жалпы білім беру үйымдарында сынып толымдылығы бойынша білім алушылар 24-ке жеткен кезде және одан асқанда, ауылдық жерлерде – білім алушылар 20-ға жеткен кезде және одан асқанда, шағын жинақты мектептерде –кемінде 10 білім алушы болған жағдайда сабактарды өткізу кезінде сыныпты:

- 1) оқыту қазақ тілді емес 2-11 сыныптардағы қазақ тілі;
- 2) оқыту қазақ тілді емес 5-11 сыныптардағы қазақ әдебиеті;
- 3) оқыту қазақ, ұйғыр, тәжік және өзбек тілдерінде жүретін 3-11 сыныптардағы орыс тілі;
- 4) 2-11 сыныптардағы шетел тілі;
- 5) 5-11 сыныптардағы информатика;
- 6) бейінді пәндер;
- 7) 5-11 сыныптардағы технология (ұлдар мен қыздарды сынып толымдылығына қарамастан топтарды);
- 8) 5-11 сыныптардағы дene шынықтыру (ұлдар мен қыздарды сынып толымдылығына қарамастан топтарды);
екі топқа бөліп оқыту жүзеге асырылады.».

34-тармақ мынадай редакцияда жазылсын:

«34. Гимназияда, лицейде және бейіндік мектепте оқу жоспарларын, сабақ кестелерін жасау кезінде Қазақстан Республикасы Ұлттық экономика министрінің 2014 жылғы 29 жетекшілік мемлекеттік тіркеу тізілімінде № 10275 болып тіркелген) «Білім беру объектілеріне қойылатын санитариялық эпидемиологиялық талаптар» санитариялық қағидаларына сәйкес жалпы білім беретін мектептердің құрылымы мен оны ұстау бойынша санитариялық ережелер мен нормаларды сақтау қажет.»;

көрсетілген бұйрықпен бекітілген Халықаралық мектеп қызметінің үлгілік қағидаларында:

28-тармақ мынадай редакцияда жазылсын:

«28. Халықаралық мектепті аяқтаған бітірушілерге жалпы орта білім туралы аттестат және (немесе) халықаралық үлгідегі құжат беріледі.»;

көрсетілген бұйрықпен бекітілген Интернаттық білім беру үйымдары қызметінің үлгілік қағидалары осы бұйрыққа қосыншаға сәйкес редакцияда жазылсын;

көрсетілген бұйрықпен бекітілген Біріктілген білім беру үйымдары қызметінің үлгілік қағидаларында:

3-тармак мынадай редакцияда жазылсын:

«3. Біріктілген білім беру үйымдарына, оның ішінде ерекше білім беруге қажеттілігі бар балаларды қабылдау тәртібі Қазақстан Республикасы Үкіметінің 2012 жылғы 19 қаңтардағы № 127 қаулысымен бекітілген Бастауыш,

негізгі орта және жалпы орта білімнің жалпы білім беретін оку бағдарламаларын іске асыратын білім беру ұйымдарына окуға қабылдаудың үлгілік қағидаларына сәйкес жүзеге асырылады.»;

9,10,11 және 12-тармақтар мынадай редакцияда жазылсын:

«9. Біріктірілген білім беру ұйымдары инклузивті білім беру мақсаттарын іске асыра отырып, дамуында ерекше білім беруге қажеттілігі бар балалардың білім алуы үшін арнайы жағдайлармен қамтамасыз етеді.

10. Сыныпта дамуында ерекше білім беруге қажеттілігі бар балалар болған жағдайда сыныпты бөлу окушылардың жалпы санын осындай әр балаға үш окушыға азайту есебінен жүзеге асырылады.

11. Сыныпта ерекше білім беруге қажеттілігі бар окушыларды дені сау балалармен оқыту (қалалық, аудандық) Психологиялық-медициналық-педагогикалық консультацияның (бұдан әрі - ПМПК) ұсынымдарына сәйкес жалпы білім беру бағдарламалары бойынша, сондай-ақ арнайы оку бағдарламалары арқылы жүзеге асырылады.

12. Оку жылының қорытындысы бойынша бастауыш сатысындағы ерекше білім беруге қажеттілігі бар білім алушыларда 1-2 пәннен академиялық берешектері болса, жазғы тапсырмалар мен емтихандарды тапсырғаннан кейін келесі сыныпқа көшіріледі. З немесе одан да көп пәндер бойынша оку жылының бағдарламасын игермеген білім алушылар қайта білім алуға қалдырылады, немесе ата-аналарының қалауы және ПМПК қорытындысы бойынша арнайы сыныптарға ауыстырылады.»;

22-тармақ мынадай редакцияда жазылсын:

«22. Біріктірілген білім беру ұйымдарының барлық түрлерінің окушылары үшін сабактар аралығындағы үзілістер ұзақтығы кемінде 10 минутты, үлкен үзіліс (2 немесе 3 сабактан кейінгі) 30 минутты құрайды: бір үлкен үзілістің орнына 2 және 3 сабактан соң әрқайсысы 20 минуттан екі рет үзіліс жасауға жол беріледі.»;

40-тармақ мынадай редакцияда жазылсын:

«40. Мектептер-интернаттар-колледждер, орта білім беру ұйымдары жок ауылды жерде тұратын балаларды қабылдауды қамтамасыз етеді.»;

58-тармақтың 3) тармақшасы мынадай редакцияда жазылсын:

«3) негізгі орта және жалпы орта білім беру ұйымдарының 7-11 (12) сынып окушыларының кәсіби мұдделерін айқындау, дамыту және бекіту, олардың қоғамдық пайдасы бар еңбектерін ұйымдастыру, техникалық шығармашылығын, жасампаздық пен өнертапқыштығын дамыту;»;

62, 63 және 64-тармақтар мынадай редакцияда жазылсын:

«62. Оку-өндірістік комбинаты (бұдан әрі - Комбинат) орта білім беру ұйымдарымен бірлесіп және аудандық (қалалық) білім бөлімнің келісімі бойынша окушылардың контингентін анықтайды.

63. Комбинат мынадай бағыттар бойынша білім беру қызметін жүзеге асырады:

1) «Технология» орта білім беру ұйымдарының 7-11 (12) сыйыптарына арналған «Технология» пәннің стандарттарына сәйкес;

2) орта білім беру ұйымдарында кәсіби бағдар жұмыстарын, 9-11 (12) сыйып оқушыларының кәсіби дайындығын іске асыру.

64. Өз таңдауы негізінде бейіні (бағыты) бойынша комбинатта оқыған орта білім беру ұйымдарының түлектерін қорытынды аттестаттау Қазақстан Республикасы Білім және ғылым министрінің 2008 жылғы 18 наурыздағы Білім алушылардың үлгеріміне ағымдық бақылау, аралық және қорытынды аттестаттауды өткізудің үлгілік ережелерін бекіту туралы № 125 бұйрығына (Қазақстан Республикасының Әділет министрлігінде Нормативтік құқықтық актілерді мемлекеттік тіркеу тізіліміне № 5191 енгізілді) сәйкес комбинат жүзеге асырады.

Мектепаралық оқу-өндірістік комбинатта кәсібі бойынша (мамандығы) біліктілік емтиханы, орта білім беру ұйымдарында қорытынды аттестаттау басталуына екі апта бұрын аяқталады.».

2. Қазақстан Республикасы Білім және ғылым министрлігінің Мектепке дейінгі және орта білім департаменті (Ж.А. Жонтаева) заңнамада белгіленген тәртіппен:

1) осы бұйрықтың Қазақстан Республикасының Әділет министрлігінде мемлекеттік тіркелуін;

2) осы бұйрық Қазақстан Республикасының Әділет министрлігінде мемлекеттік тіркеуден өткеннен кейін құнтізбелік он күн ішінде осы бұйрықтың көшірмесін мерзімді баспа басылымдарында, сондай-ақ, Қазақстан Республикасы Әділет министрлігінің «Республикалық құқықтық акпарат орталығы» шаруашылық жүргізу құқындағы республикалық мемлекеттік кәсіпорнына Қазақстан Республикасы нормативтік құқықтық актілерінің эталондық бақылау банкіне енгізу үшін жолдауды;

3) осы бұйрықты Қазақстан Республикасы Білім және ғылым министрлігінің интернет-ресурсында орналастыруды;

4) осы бұйрық Қазақстан Республикасы Әділет министрлігінде мемлекеттік тіркеуден өткеннен кейін он жұмыс күні ішінде Қазақстан Республикасы Білім және ғылым министрлігінің Заң қызметі және халықаралық ынтымақтастық департаментіне осы тармақтың 1), 2) және 3) тармақшаларында көзделген іс-шаралардың орындалуы туралы мәліметтерді ұсынуды қамтамасыз етсін.

3. Осы бұйрықтың орындалуын бақылау Қазақстан Республикасының Білім және ғылым вице-министрі Э.А. Суханбердиеваға жүктелсін.

4. Осы бұйрық алғашкы реңсі жарияланған күнінен бастап құнтізбелік он күн өткеннен кейін қолданысқа енгізіледі.

Қазақстан Республикасының
Білім және ғылым министрі



Е. Сағадиев

Қазақстан Республикасы
Білім және ғылым министрінің
2017 жылғы «13 » жариядауды № 60
бұйрығына қосымша

Қазақстан Республикасы
Білім және ғылым министрінің
2013 жылғы 17 қыркүйектегі № 375
бұйрығына 5-қосымша

Интернаттық білім беру ұйымдары қызметінің ұлгілік қағидалары

1-тaraу. Жалпы ережелер

1. Осы Интернаттық білім беру ұйымдары қызметінің ұлгілік қағидалары (бұдан әрі – Ұлгілік қағида) 2007 жылғы 27 шілдедегі «Білім туралы» Қазақстан Республикасының Заңына сәйкес әзірленді және жалпы орта білім алу барысында жатын орынды беру бойынша интернаттық білім беру ұйымдары қызметінің тәртібін анықтайды.

2. Интернаттық білім беру ұйымдарының түрлері:

әскери мектеп-интернат – жалпы орта білім алуды және тереңдетілген әскер қатарына шақыруға дейінгі және физикалық дайындығының қосымша білім беру бағдарламаларын, білім берудің кейінгі деңгейлерінде әскери-техникалық мамандықтар бойынша оқытуды жалғастыру мүмкіндігін қамтамасыз етеді;

жалпы білім беретін мектеп жанындағы интернат - тиісті білім беретін мектептері жоқ елді мекендерде тұратын оқушылардың жалпы орта білім алудын қамтамасыз етеді;

көп балалы және аз қамтамасыз етілген отбасылардың балаларына арналған мектеп-интернат - мемлекеттік жәрдемақы алатын отбасылардан шықкан балалардың, мемлекеттік әлеуметтік көмек алмайтын отбасылардан шыққан балалардың, өмір сүру, енбек жағдайлары бойынша отбасыларға көмек беріле отырып, ең тәменгі күнкөріс деңгейінің шамасынан тәмен отбасылардан шыққан балалардың орта білім алудын қамтамасыз етеді;

мектеп-интернат – аз тұргыны бар елді мекендерде тұратын балалардың жалпы орта білім алудын қамтамасыз етеді;

санаториялық мектеп-интернат – белгіленген режимді сактаумен қоса жалпы орта білім алуды, емдеуді, медициналық оңалту мен демалуды, емдеу-профилактикалық туберкулезға қарсы іс-шаралар өткізуі қамтамасыз етеді;

тірек мектеп (ресурстық орталық) жанындағы интернат – білім беру ресурстарына сессиялық сабактар және білім алушыларды аралық және

қорытынды аттестаттау кезеңінде тұрумен қоса жақын орналасқан шағын жинақты мектептер оқушыларының сапалы білім алуын қолжеткізуі қамтамасыз етеді.

2-тарау. Интернаттық білім беру ұйымдарының қызметін ұйымдастыру

3. Интернаттық білім беру ұйымдарының негізгі қызметі:

1) балалардың білім алуы үшін жағдайлар жасау, зияткерлік, тұлғалық, әлеуметтік, дene, шығармашылық дамуын қамтамасыз ету;

2) 2012 жылғы 23 тамыздағы Қазақстан Республикасы Үкіметінің № 1080 қаулысымен бекітілген Білім берудің тиісті деңгейлерінің мемлекеттік жалпыға міндettі білім беру стандарттарына сәйкес бастауыш, негізгі орта, жалпы орта білім беру бағдарламаларын, мамандандырылған және арнайы жалпы білім беру, қосымша білім берудің білім беру бағдарламаларын бастауыш, негізгі орта, жалпы орта білім беру бағдарламалары негізінде іске асыру;

3) жалпы орта білім алушылардың жайлы және қауіпсіздік өмір сүру жағдайын қамтамасыз ету болып табылады.

4. Интернаттық білім беру ұйымдарына жатын орын беріле отырып жалпы орта білім алу қамтамасыз етіледі:

әскери мектеп интернат – жалпы орта білімді аяқтағаннан кейін 15-16 жастағы ер балаларды негізгі орта білімді бітіруі бойынша медициналық қуәләндіру көрсеткіштері негізінде конкурс пен қабылдауды жүзеге асырады;

жалпы білім беретін мектеп жанындағы интернат – тиісті түрлері мен білім беру деңгейіндегі жалпы білім беретін мектептері жоқ елді мекендерде тұратын балаларды қабылдауды жүзеге асырады;

көп балалы және аз қамтамасыз етілген отбасылардың балаларына арналған мектеп-интернат - Қазақстан Республикасы Үкіметінің 2012 жылғы 12 наурыздағы «Әлеуметтік қомек көрсетілетін азаматтарға әлеуметтік қемектің мөлшерін, көздерін, түрлерін және оны беру қағидаларын бекіту туралы» № 320 қаулысына (бұдан әрі – ҚР Үкіметінің № 320 қаулысы) сәйкес мемлекеттік жәрдемақы алатын отбасылар балаларының, мемлекеттік әлеуметтік қомек алмайтын отбасылар балаларының, ата-анасы немесе оларды алмастыратын тұлғалардың өмір сүру жағдайы, еңбегі, деңсаулық жағдайы бойынша отбасыларға қомек берілетін, ең төменгі күнкөріс деңгейінің шамасынан төмен кіріс кіретін отбасылар балаларының жалпы орта білім алуын қамтамасыз етеді;

мектеп-интернат – аз тұрғыны бар елді мекендерде тұратын балаларды қабылдауды жүзеге асырады;

санаториялық мектеп-интернат – облыстық, қалалық туберкулезға қарсы диспансер жанындағы жергілікті атқарушы органдардың комиссиясы облыстық, республикалық маңызы бар қалалардың, білім және деңсаулық сактау басқармаларының бағыттары бойынша оку жылының басынан немесе жарты жылдықтан бастап алты (жеті) жастағы балаларды қабылдауды жүзеге

асырады. Бос орын болған жағдайда оқу жылы басталғаннан кейін оқушыларды қабылдауға рұқсат етіледі. Санаториялық мектепте ауыстыру емтихандары жүргізілмейді;

тірек мектеп (ресурстық орталық) жаңындағы интернат– білім беру ресурстарына сессиялық сабактар және білім алушыларды аралық және корытынды аттесттатау кезеңінде түрүмен қоса тірек мектептеріне бекітілген шағын жинақты мектептер оқушыларын қабылдауды жүзеге асырады.

Сыныптың толықтығы және 20 баладан көп емес топтар толық сауыққанға дейін (туберкулезға қарсы диспансердің есебінен шығарғанға дейін) кемінде бір оқу жартышылдығында емдеуде болады. Балалардың болу уақыты медициналық көрсеткіштер бойынша 5-10 айға дейін созылуы мүмкін және комиссия қарайды. 1-5 сыныптардағы сабактардың ұзақтығы 35 минут, 6-11(12) сынаңтарда – 40 минут. Әр сабактың алдында дене тәрбиелік жаттығулар өткізіледі.

5. Интернаттық білім беру ұйымдарында оқу-тәрбие процесі Жалпы орта білімнің жалпы орта білім беретін бағдарламаларын іске асыйратын білім беру ұйымдарының үлгілік қағидаларына және осы Үлгілік қағидаға, ішкі тәртіптің жарғысы мен қағидаларына сәйкес жүзеге асырылады.

6. Медицина қызметкері балалардың денсаулығын нығайту бойынша профилактикалық іс-шараларды өткізуі, интернаттық ұйымдардың санитарлық-гигиеналық жай-күйі мен тамақтануды бақылауды, балалардың келуіне орай жұмыстың гигиеналық негізделген режимін ұйымдастыруды қамтамасыз етеді.

7. ҚР Үкіметінің № 320 қаулысына сәйкес оқушылар киіммен, аяқ киіммен, жұмсақ мүкәммалмен, жеке гигиеналық заттармен, оқулықтармен, ойыншықтармен қамтамасыз етіледі.

8. Қазақстан Республикасының «Білім туралы» Занының 6-бабына сәйкес балалардың ерекше жеке қажеттіліктерін ескере отырып, мектеп-интернаттарын материалдық-техникалық қамсыздандыру, жағдай тудыру, жарактандыру және жабдықтау жергілікті атқарушы органдармен іске асырылады.